



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel
Francofurti Ad Moenum, 1690**

Caput I. (a) Leo III.

[urn:nbn:de:hbz:466:1-74526](#)

de diverso deponebant, & ita adminiculantes dicuntur, & cum eis ita probavit Abbas oblationem; alias si unus testis tantum de confessione oblationis deponeret, & alius testis de oblatione ipsa, non probasset sufficienter Abbas, ut exponit Costa in l. s. ex cautione, fol. 379. num. 2. C. de non numer. pecun.

(i) *Comptem non fuisse.*] Quæ negativa converitur in affirmativam, ut probavi in cap. ad abundantiam de probat.

(k) *Alienata mente dixisse.*] Furiosus enim non potest facere testamentum, l. neque; C. de codicil. §. furiosi. Inst. quibus non est permisum facere testam. Donellus lib. 6. comment. cap. 5. Selle tom. 1. decis. 56. Rodericus Suarez alleg. 1. In qua parte observandi sunt textus in l. 1. de suis & legit. hered. l. 15. §. filius, & §. ultimo, ff. de in offic. l. filium 60. ff. de acquir. heredit. l. 17. §. si impubes, ff. de insit. act. & alii, quos adduxi in cap. 1. de testam.



TITULUS XXVIII.

De Sepulturis.

CAPUT I.

(a) Leo III.

Nos instituta majorum Patrum considerantes, statuimus, unumquemque in majorum suorum sepulchris jacere, ut Patriarcharum exitus docet. Nulli tamen negamus propriam eligere sepulturam, & etiam alienam. Dominus enim & magister alienam elegit ut propriam. Sed quia dignus est operarius mercere suā, tertiam (b) partem sui judicij illi Ecclesiæ dari censemus, in qua celesti pabulo refici consuevit, ut juxta Apostolum sint consolationum socii, ut fuerint passionum: & sic demum ubicunque libitum fuerit, eligat sepulturam. Alter ne fiat, auctoritate Domini nostri, qui per Prophetas locutus est dicens: Ne transgrediaris terminos antiquos, quos posuerunt patres tui, sub anathematis vinculo detestamur; & contradicimus.

NOTÆ.

(a) *Leo III.*] Ita etiam legitur in prima collectione, sub hoc tit. cap. 3. & post Concilium Lateran. sub Alexandro III. p. 43. de sepultur. cap. 2. & ex epistola Leonis III. textum hunc citans Antonius Augustinus in notis ad 1. collect. in dicto cap. 2. Cironius in parat. ad hunc titulum. Nicolaus Lemaistre de iuribus Episcop. lib. 2. cap. ult. Unde cum in aliqua ex epistolis ipsius Pontificis editis à Vinio tom. 2. Conciliorum, Baronio tom. 9. anno 796. & 799. non reperiatur, credo deducitum esse ex aliqua epistola, quæ temporis injuria perire. Leo III. creatus fuit Pontifex die 26. Decembbris anno 795. & Ecclesiæ rexit usque ad annum 816. ut referunt Baronius, & Cojolanus in eodem anno, Ludovicus à Sancto Carolo in Biblioth. Pontificia, verbo Leo tertius.

(b) *Tertiam partem.*] De qua portione parochiali agemus infra, in cap. in nostra, hoc tuto.

COMMENTARIUM.

^{2.}
Conclusio
traditur
& proba-

Ex hac Leonis epistola sequens communiter deducitur assertio: *Unusquisque sibi post mortem testis eligere sepulturam ubicunque voluerit; deceperetur autem sine electione, in majorum suorum se-*

pulcro est splendens. Probant eam textus in cap. Ebron. cap. unaqueque, cap. ubicunque, cap. placuit, 13. quest. 2. cap. ult. in princip. 16. q. 1. cap. 3. cap. de uxore, in princip. & §. 1. hoc tit. cap. nimis, §. 1. de excess. Prelat. cap. plerique, de patribus, cap. ut privilegia, de privileg. cap. cum quis, cap. is qui, cap. final. hoc tit. in 6. capite 1. de patribus, eodem lib. Clement. dudum, §. verum, hoc tit. Clement. final. §. final. de patribus, cum aliis congregatis à Crespicio in summa, verbo Sepultura. Conferat lex 5. tit. 13. par. 1. Illustrant ultra laudatos in prefatis à Garana, & Barbosa, idem Barbosa lib. 2. juris Eccles. cap. 10. num. 10. & de officio Paroch. cap. 26. Petrus Gregorius lib. 1. parit. titul. 17. cap. 5. & lib. 2. syntagma. cap. 13. num. 6. & lib. 33. cap. 23. Vigil. in method. iur. can. fol. 145. Tondurus resol. canonie. cap. 115. Valenzuela consil. 18. Basilius de matrim. lib. 5. cap. 13. §. 2. Parladorius different. 66. §. 3. Fragolo de regim. Chirib. Reip. 3. p. lib. 5. §. 17. num. 529. Zerda in iudic. tom. 1. cap. 8. vers. 1. fol. 391. Cabteros lib. 2. de metu, cap. 5. num. 85. P. Mendo de iure academ. lib. 3. quest. 50. Frances de Eccles. Cathed. cap. 17. Murgi tom. 2. disquisit. mor. tract. 8. disquisit. 1. cum sequent. Alceserra lib. 1. disser. cap. 12.

Sed hæc assertio difficulter redditus ex sequenti juris consideratione; nam sive testator eligat sepulturam

longa sepulturam, sive non eligat, intra Ecclesiam non
per tradita est tumulandus, cap. nullus 13. q. 2. Concilium
Brachar. i. can. 18. ibi: *Corpora defunctorum nullo
modo intra Basilicam Sanctorum sepeliantur, sed si
necessio est, de foris circa murum Basilicae.* Concili-
gium Arelat. sub Carolo, cap. 21. Alio congerunt
Antonius Augustinus in epist. lib. 26. tit. 10. Lin-
dembrogius in glossario, verbo Mortuos, Savarus
in not. ad Sidonium, lib. 3. epist. 12. Menardus ad
Sacram. D. Gregorii, fol. 238. Ergo sive electa se-
pultrum, sive non, defunctus decedat, intra Ec-
clesiam non est sepeliendum. Augentius primò hæc
difficultas, nam et si admittamus jam temporibus
Leonis III. catholicos defunctorum intra Ec-
clesiam sepeliri, non tamen ideo in sepulchro
majorum erant sepeliendi, sed potius pro perso-
narum distinctione, ut si clerici sint, in Ecclesia
ubi resident, cap. ubiunque 13. q. 2. si monachi,
in proprio monasterio, cap. 1. 16. q. 1. si laici in
Ecclesia Cathedrali, ex eodem cap. 1. Igitur non
sunt necessariò tumulandi in majorum sepul-
chro. Secundò difficultis est praesens texus, dum
supponit, dari sepulchra majorum, in quibus ra-
tione illationis cadaverum parentum habeat quis
dominium in eis; cum certum sit in locis sacris,
& religiosis, utpote exemptis ab hominum
commerce, nullum posse dari dominium, l.
in canon. §. Sacra, ff. de rerum divisi. §. nullius,
Instit. eodem tit. Igitur etiam in sepul-
chris, ubi sepulti sunt parentes, nullum datur
dominium.

Quà dubitandi ratione ita fulcità non obstan-
te, vera est præfens assertio, pro cuius illustra-
tione primò sciendum est, sepultræ jure natu-
rali corporibus debiræ, ut fuse prosequitur P.
Faber lib. 2. sest. cap. 1. pro diversitatib[us] natio-
num usum variū fuisse: aut enim hominibus,
vel animalibus devoranda defunctorum corpora
objiebant, vel alicui ex quatuor elementis
commendabant, videlicet vel aëri exponebant,
vel aquis immergebant, igne consumebant, au-
terā condebat. Effedones populi Asiae ad pa-
rentum funera vocati cadavera edebant,
honestius, & sanctius esse existimantes, ab ho-
minibus, quam à vermis devorari; & ut hac
ratione magnam pietatem ostenderent, seque-
ratos iuxta lectum amare prosterrentur. Herodotus lib. 4. Strabo lib. II. idem referunt de
Sidonibus Zenodotus in collect. cent. 5. proverb. 25.
de Indis Herodotus lib. 3. de Ponticis D. Hieron-
ymus contra Jovin. lib. 2. de aliis Tertullianus
contra Marcionem: ex quibus illustrat Spondanus
de cemeteriis sacris lib. 1. p. 1. cap. 4. num. 1.
Barca, gens Hesperis, cadavera vulturibus de-
voranda objiebant, eo quod aves illas sacras
existimabant. Refert Elianus lib. 1. hisp. anim.
cap. 22. Idem tradit: Iberis Justinianus lib. 41.
& de aliis Spondanus dicit cap. 4. num. 2. Alex.
ab Alex. lib. 3. genial. cap. 2. Silius Italicus lib. 3.
quem usum reprehendit Dausquejus ad orat. de
zona Basili Seleuci. Sic etiam Æthiopes defun-
ctorum corpora in flumina projicere confue-
ville, existimantes id optimum esse sepeliendi
modum, tradit Diodorus Siculus lib. 3. cap. 1. cu-
jus moris rationem illustrat Spondanus d. cap. 4.
Alii defunctorum corpora aëri dissolvi cupien-
tes, arboribus affigebant, ut Scytha. Silius lib. 13.
Tabaren. D. Hieronymus lib. 2. contra Jovin. illus-
trat Spondanus dicit cap. 4. Combustione etiam
& igne cadavera consumenda esse, politiores
D. Gonzal. in Decretal. Tom. III. Pars II.

gentes tenuerunt, ut Romani, & Græci, à quibus
Galli, & Germani acceperunt, ut referunt Cæsar
de bello Gallico, Tacitus de more German. Sidonius
lib. 3. epist. 12. ubi Savarus, Ovidius lib. 3. de fu-
nere Elpen. ibi:

— pia membra dolentes
Condimus, atque arsi funus splendentibus
armis.

Romani maxime hunc morem observarunt ex
ratione, quam reddit Plinius lib. 8. cap. 54. his
verbis: *Ipsum cremare apud Romanos non fuit ve-
teris instituti, terrâ condebantur: at postquam lon-
ginquis bellis obrutus erui cognovere, tunc institu-
tum;* & tamen multe familiae prisca servavere tri-
tus. Unde more Romano condi est sepultræ
post rogum, & cremationem mandare, ut ex Ta-
cito, Laertio, & aliis illustrant Salvagnus ad Ovi-
dim in Ibin. vers. 151. Sophranis de funere He-
breor. digres. 2. cap. 1. Hebræos cadavera non
combussisse, etiam dicunt combussisse, quia
aroma super cadavera incendebat, bene pro-
sequitur Sancinus in cap. 6. Amos, versu 10. & in 1.
Regum, cap. 31. vers. 12. & ante eum Hierony-
mus Magius lib. 3. miscell. cap. 11. Hurnationis ri-
tus, ut ceterorum antiquior, ita & quamplurimi
gentibus acceptior fuit, & sanctioribus ritibus ce-
lebratus, quippe & natura conformior; siquidem
si terra sumus, in terram revertamur, ut
cap. 3. Genesis dicitur; per humationem enim
reditur homo humo, ut divina loquitur Scriptura
Ecclesiast. cap. 12. Revertatur pulvis in
terram suam, unde erat, & spiritus redeat
ad eum, qui dedit illum. Quod apud Pruden-
tium sic expressum legimus hymn. in exec.
defunct.

Spiritus similis & caro vivit;
Rescissa sed ista seorsum
Proprios revocantur in ortus:
Perit halitus æthera servens,
Humus excipit arida corpus.
Iremque apud Lucretium lib. 2.
Cedat item retro de terra quod fuit ante
In terras; & quod missum est ex ætheris oris
Id rursum cali relatum templaque receperant.
Et apud Phocylidem his verbis latine redditis
Poem. admonit.

Spiritus usq[ue] à Deo datus est mortali bus, &
imago Dei;
Corpus ex terra habemus, & omnes in eam
Resoluti pulvis sumus, colum verò spiritum
recipit.
Sic & Euripides in supplic. cuius tamen versus
apud Stobæum serm. 122. tribuuntur Moschioni,
seu Menandro.

Sinite iam terrâ mortuos operiri,
Et unumquodque unde in corpus venit.
Illuc redire; spiritum quidem ad æthera,
Corpus vero interram. Non enim posidemus
Illud proprium, sed quandiu hanc vitam in-
colimus,
Deinde restitendum est sua parenti.

Et apud Xenophontem lib. 8. de Cyro, Cyrus fi-
lius inhibens ne ipsum in auro, vel argento,
aliave ulla re, præterquam in terra conderet,
inquit: *Quid enim beatius, quam terra immis-
ceri?* quæ pulchra omnia, bonaque omnia
gignit, & nutrit. Plura Beyerlinch tom. 2. Thea-
tri, verbo Cadaver. Joannes Andreas de sepul-
træ cap. 8.

Secundo sciendum est, locum illum, ubi ca-
Zz 2 daver

*Denomi-
nibus fe-
culta.*

daver humatur, diversis nominibus appellari, nempe cæmeterium, polyandrum, monumentum, area, tumulus, mausoleum, sarcophagus, ergaftulum, cænotaphium, sedes, domus aeterna, sedes sacra, quies, ut de singulis probant singillatim Franc. Maria Samuelius *in praxi de sepult. tract. 1. disp. 1. controv. 3.* Murga *com. 1. disquisit. mor. tract. 3. in proœmio.* Et frequentius sepulcta appellatur cæmeterium *in cap. consilia, de confecr. Eccles.* ubi hujus vocis etymologiam illustravimus. Polyandrum dicitur, quasi pollutum antrum, propter cadavera ibi sepulta, ut probat Jul. Laborus de præficio funerandi more, *cap. 6. num. 4.* Monumentum dicitur etiam à monendo, *l. 2. §. monumentum, ff. de religiosis;* quia ut ait D. Augustinus *de cura pro mortuis*, non ob aliud, vel memoria, vel monumentum dicuntur ea, quæ insignia sunt sepulchra mortuorum, nisi quia eos, qui viventium oculis morte subtracti sunt, ne oblitione etiam subtrahantur, in memoriam revocant, & admonendo faciunt cogitare. Area dicitur locus sepulcræ apud Tertullianum *in Scapulam, cap. 3.* ubi docte exponit Georgius Ambian. & Baromius *anno 50 num. 10.* & *anno 226. num. 7.* Tumulus dicitur, quasi tu mens humus, qua elevatur sepulco homine, *capite 10. Job. ibi: De uero translati ad tumulum.* D. Hieronymus *in Matthæum cap. 10.* Virgilius *3. Æneid. ibi:*

Hos filiem ad tumulum Troja sub manibus alii. Mausoleum propriè est sepulchrum Principis, dictum à Mausolo Rege Caria, de quo Jul. Laborus *suprà, num. 12.* Sarcophagus similiter dicitur sepulcta à sarcophago lapide marmoreo, in quo primum corpora condebatur. Ejus meminit D. Augustinus *lib. 18. de civitate Dei, cap. 5.* Ergaftulum etiam à verbo Graeco, quod significat quiescere, quia ibi corpora quietiunt. Cænotaphium est locus vacuus, honoris tantum causa: à Gracis dicitur inane sepulchrum, ejus fit mentio *in l. vel quod 6. l. monumentum, ff. de religiosis:* plura de eo Jacobus Gothofredus *in diatrib. de cænotaphio.* Sedes appellatur à Paulo *in l. si quis enim 40. ff. de relig. l. needum 10. C. eodem. ibi:* Sine dum perpetua sedi corpus traditum sit, *l. 3. C. Theodos. de sepulchro violato.* Dicitur tandem domus aeterna, *l. 4. C. Theodos. de sepulchr.* quia cadavera in eo in perpetuum conduntur. In Petronii Antigen. epitaphio ita legitur:

Hac domus aeterna est, hic sum sicut, hic ero semper.

Seneca *in Octavio, act. 4.* Jacobus Gothofredus *in l. 4. C. Theodos. de sepulchro violato.* Gutherus *lib. 2. de iure manum, cap. 20.* Quam ob rem in antiquis lapidibus non raro sepulchrum domus aeterna dicitur, ut in sequentibus, quos refert Fornerius *lib. 3. rer. quotid. cap. 6.* In primo ita:

MANILIA PAULA

DE PARCIMONIA SVO

SIBI, ET ALIO

PAVLINO COMPARI SVO

DOMVM AETERNAM DO.

Iremque in illo,

Bis hic septen. mecum natales dies

Tenebris tenetur dictis aeterna domus.

Quo tamen sensu apud nos, qui resurrectionem speramus, sepulcta domus aeterna dici possit, exponit Savarus *ad Sidonium, lib. 2. epist. 3.*

Tertiò sciendum est, quod licet olim unusul-

quisque in ædibus suis defunctos sepeliret, ut ex Cicerone tradit D. Isidorus *lib. 15. originum, De sep. cap. 8. & 11.* unde ortum ait Servius, ut domi *tum. extra*

Lares colerentur; tamen legibus XII. Tabul. cautum fuit, ne intra incœna civitatis defunctorum corpora humarentur, comburerentur, his

verbis: *Hominem mortuum in urbe ne sepelire, neve urito.* Ex Cicerone refert Jacobus Gothofredus *in quæ uor fontibus, tabul. 10.* quam illustrant Silvius, Rewardus, & Balduinus, Rolinius *lib. 8. antiquit. cap. 6.* & faciunt textus *in l. 12. C. de relig. l. 6. C. de sepulchro violato, in Theodos.*

Paulus *lib. 1. sentent. tit. 21. §. 2.* plura Pancirola *2. var. cap. 199.* Gutherus *de iure manum lib. 3. cap. 33.* Joannes Andreas *de sepult. cap. 5.* Sophranis *in Davidem 3. p. cap. 3.* Savarus *ad Sidonium lib. 3. epist. 12.* Junius Polit. *q. 10. Salmut. ad Pancirolam lib. 1. tit. 62.* Raderus *ad Martialem lib. 1. epigr. 93.* Ramirez *in Pentecont. cap. 17.* Zerda *in advers. cap. 185. num. 91.* Imperatorque Hadrianus teste Ulpiano apud Cælium Rhodigum, *lib. 17. antiqu. lecit. cap. 19.* pœnam statuit aureorum quadraginta in eos, qui in civitate sepulchra fecissent, quam fisco inserti justit; immo & in Magistratus id permittentes eandem statuit pœnam, justisque locum publicari, & inde cadaver transferri: quam prohibitionem etiam ad urbem Constantinopolitanam protrect Theodosius *in l. 6. C. Theodos. de sepulchro violato,* siueque id ratione contentaneum, probat sanctus Vedastus, qui ut refer Surius *in ejus vita,* saepe sapientem repetebat, intra muros civitatis sepeliri neminem debere; quia omnis civitas locus debet esse vivorum, non mortuorum. Accedit etiam periculum, ne factore humatum corporum vivi inficerent, D. Isidorus *lib. 15. supra;* aut dum corpora urebantur, dominus accenderentur: & ita occasione rogi urbs aliquando conflagraret. Paulus *lib. 2. sentent. §. 2.* eam rationem assignat, ne intra urbis ambitu Diuus consecratum, funestum aliquid appareat: causas alias adducunt Lælius Giraldus *lib. de usus sepieliendi ritu, non multum ab initio.* Joannes Kirmanus *lib. 2. de funeribus, cap. 22.* Gutherus *de iure manum lib. 3. cap. 33.* Hujusmodi autem lege Imperatores, Vefiales, optimè de Republica meritos, clarosque viros, nonnumquam exemplatos refert Cicero *ubi proxime;* nam & Publicolæ jus sepulchri intra urbem concessum tradid Dionylius Halicarn. *lib. 5.* idem de Vefaliis refert Servius *lib. 2. e Eneid.* & de Trojano qui urbanam adeptus fuit sepulcrum, hec habet Eusebius Cæsar, *in chron. Tresjanus morbo in Selinunte perierit, sive ut alibi scriptum reperimus, apud Seleuciam Iauria, profusivo ventris extinxerat est anno atatis 63. mense 9. die 4. ossa ejus in aram auream collata, & in foro sub columna posita; solusque omnium intra urbem sepultus est.* Plura Pererius *in cap. 49. Genesis, disp. 4.* Savarus *ad lib. 3. Sidonis, epist. 12. verbō Campus. Pancirola lib. 2. var. cap. 199.* Gutherus *de iure manum lib. 3. cap. 33.* Sophranis *de funer. Hebreorum, p. cap. 3.* Salmut. *ad Pancirolam lib. 3. memorab. tit. 62.* Raderus *ad Martialem lib. 1. epigr. 93.* Ramirez *in Pentecont. cap. 17.* Sed licet extra urbem cadavera sepelienda ferrentur, non longe tamen à mœniis; unde Cicero *Tuscul. q. 3. Est* (inquit de Roma) *ad portas Agoranias magna frequenter sepulchrorum.* Tandem Imperator Leo in Novel. *53.* legem hanc abrogavit, mortuos

mortuos jubens nonnisi intra oppidorum mœnia sepeliri. Plura Jacobus Gothofredus in l. 6. C. Theodore, de sepulchr. violat. Mendoza lib. 3. Concil. Illiber. cap. 4. num. 26. Amaya lib. 10. ob. cap. 6 num. 5.

Quād scinduntur est, Romanis itidem sepulchra fuīle, vel propria singulis, vel communia pluribus. Communia erant Romæ extra portam Exquilinam cadaveribus sepeliendis destinata, quem locum puticulos Romani vocabant, ut ex Varrone, Festo & Horatio notarunt Cælius Rhodinus lib. 10. lectionum, cap. 17. Baronius in Martryrol. die 10 Februarii, & apud Hebraeos fuīle plebi, ac peregrinis communia sepulchra, vulgo polyandria dicta, constat ex Jeremia cap. 2. vers. 19 cap. 26 in fine. & lib. 4 Regum, cap. 23. & apud D. Matthæum cap. 17. mentio extat sepulchra peregrinorum, præ quo emptu fuit à Principibus sacerdotum ager figuli ex triginta argenteis traditis Judæi. Sepulchra autem privata erant familiaria, vel hæreditaria. Familia, quæ sibi quis, familiæque sua constitutit: hæreditaria, quæ quis sibi hæredibusque suis, vel quæ patre familias jure hæreditario sibi acquivit. Unde in eorum epitaphiis passim littera hæ insculpta leguntur. H. M. S. id est, hoc monumentum hæredes sequitur: vel H. M. H. N. S. id est, non sequitur: vel etiam H. M. H. E. N. S. id est, hæredes exteriores non sequitur. Innumera exempla ex antiquis inscriptionibus tradit. Gutherius inscript. cap. 17. & nonnulla explicat D. Josephus de Retes in epigraph. illustrata. Illud tamen discrimen versabatur inter sepulchra familiaria, hæreditariaque, quod familiaria ad agnatos pertinebant, l. ius 8. l. 13. C. de relig. ad eosque, qui in familia erant, eorumque successores, licet hæredes non essent, dum tamen in familia persistenter. Familiae autem appellatione communij jure veniebant omnes agnati, qui ex eadem domo, & gente prodiit fuissent, in quam & libertos humanitatis ratione adseculi moris erat; ita tamen, ut jus sepulchri in patronorum monumentis non haberent, nisi essent eis hæredes, quantumvis patroni monumentis suis inscripsissent, sepulchrum se fecisse sibi, libertisque suis, l. 6. C. de relig. Illustrat latè D. Josephus de Retes ubi proxime. Hæreditaria vero sepulchri patebant liberi utriusque sexus, aliiisque hæredibus quibuscumque, etiamq; ex minima parte hæredes fuissent ex testamento, vel ab intestato, atque insuper bonorum possessoribus iis, quibus libertas conservanda causa bona adjecta fuisse, l. vel quod 6. l. si, quis fuit 33. ff. de relig. l. quia perinde 42. ff. ad Trebel. l. 4. si autem, ff. de fidei-commiss. libert. nisi forte alter justa causa testator aliquem exclusisset, dicitur. vel quod. 6. vel omnino cavisset, ne quis e; inferretur, l. 3. §. si quis inhereditate ff. de sepulchro violaro: observarunt Brissonius lib. 2. seleit. cap. 14. Antonius Boissius in Roma subter. lib. 2. cap. 26. Oſvaldus ad Donelium lib. 4. cap. 1. littera X. Molina lib. 1. de priu. cap. 24. num. 4. Ramirez ad Martialem lib. 1. epigr. 115. & 117. & in Pentecont. cap. 17. & tuni usus omnium communis erat, & individuus, l. fundus 30. ff. familiæcrist. quam explicat D. Joannes Suarez ad leg. Aquil. lib. 2. cap. 2. sect. 6. alia de sepulchris ex diversis gentium moribus & prisco funerandi ritu, congeserunt Joannes Meursius in tract. de funer. Kirmanus de funer. Roman. Gutherius de jure manum. Jul. Lavorus D. D. Conzal, in Decretal., Tom. III. Pars I.

de prisco sepel. more, Lælius Giraldus de funerandi ritu, & alii relati ab Oſvaldo lib. 4 comment. cap. 1. Sophranus de funere Hebreor. Onutrius, Panuinus & Spondanus de cemeteriis, Jul. Clarus, & Silvius lib. singul. ad leges XI. Tabul. ex cap. 22. Befoldus cons. 2. polit. consider. 3. polit. de sepultura.

Quād scinduntur est, Christians primis illis temporibus, quibus Judæorum, vel Gentilium, inter quos vivebant, civilibus, ac politicis legi-^{De sepul-}_{christianorum} bus tenebantur, etiam extra urbes defunctos sepelire; sed pace Ecclesiæ data, ubi Christians religionis cultus publice haberi poterat, non solum intra ipsas urbes, verum & intra Ecclesiæ cadavera condidisse, ut jam temporibus Marcelli Papæ usitatum fuisse constat ex Anastasio Biblioth. in ejus vita, ibi: Constituisse in urbe 25. titulos, propter baptismum, & penitentiam eorum, qui converserentur ex pagani, & propter sepulchram Martyrum. Nec solum sancti Martyres intra Ecclesiæ sepeliebantur, verum & fideles laici, qui particeps fuerint sacrificiorum, & precationum, qua in eis fuerint, & meritis Sanctorum, quorum reliquiae ibi quiescerent, adjuvarentur, ut piè edocet Constantinus Magnus sano consilio, ac providâ dispensatione ut ait Eusebius in ejus vita lib. 4. cap. 60. In Basilica SS. Apostolorum quam adificavit, sepulchrum sibi constituit, eo quod speraret fore, ut defunctus quoque precationum, quæ ibi essent ad Apostolorum gloriam offerenda, particeps efficeretur, sicut quamplurimum utilitas illorum memoriæ animæ fuit conciliaturam. Non tamen locum hunc intelligas de ipso interiori templo, sed de limine, seu vestibulo; cùm tam Constantinus Imperator, quam Theodosius, & Honorius ejus successores in portico, & vestibulo Ecclesiæ sepulchram sibi elegerint, ut ex Chrysostomo, Evagrio, & Nicephoro referunt Spondanus lib. 1. de cemeteriis, p. 3. cap. 14. num. 4. Sozomenus lib. 2. cap. ult. D. Chrysostomus homil. 26. in 2. ad Corinth. Fideles ergo sine discriminatione in cemeteriis, & Ecclesiæ ipsi olim sepeliri constat ex Concilio Carthag. 4. can. 81. ubi jubetur, ut mortui penitentes afferantur Ecclesiæ, & sepulchris: & ex quæstione illa S. Paulini, qui interpellavit S. Augustinum, utrum proficit alicui post mortem, quod corpus ejus apud Sancti alicuius memoriam sepeliat? Cui S. Augustinus respondens, eruditum librum de cura pro mortuis agenda compo-uit, ex quo citatur textus in cap. non estimamus, 13. q. 2. ubi eleganter exprimit Sanctus, quantum profit fidelibus sepulchra intra Ecclesiæ; quod & docuit S. Maximus Episcopus Taurin. in Homil. in Naral. Sanctorum, quæ est etiam apud D. Ambrosium concione 6. de Sanctis, ibi: Ideo hoc a majoribus provisum est. ut Sanctorum officiis nostra sociemus, ut dum illos tartarus metsemus, nos pena non ranguem, dum illis Christus illuminat, anobis tenebrarum caligo diffugiat: cum sanctis ergo Martyribus quiescentes, evadimus inferi tenebras eorum propriæ meritis, attamen consciente fidelitate: & Ideo veneremus eos in seculo, quos defensores habere possumus in futuro; & sicut eis officiis parentum mortuorum jungimus; ita & eis fidei imitatione jungimus. In nullo enim ab ipsis separari poterimus, si sociemus illis tam religione, quam corpore. Et sanctus Ambrosius dilectissimum fratrem suum Satyrum sepeliens juxta Victorem Martyrem, memoriam ejus hoc celebravit tetraстicho:

Uranio Satyro supremum frater honorem
Martyris ad levam detulit Ambrosius.
Hac meriti merces, ut sacri sanguinis humor
Finimus penetrans adiuat exuvias.

Sed postea ob miro casus à D. Gregorio lib. 4. dialog. cap. 50. quos etiam describit Lucas Tundens contra Albig. cap. 15. & 16. lib. 2. cap. 23. relatos, quorundam pravorum hominum in Ecclesiis sepulchorum, qui inde divinitus ejeti sunt, ecclesiasticis legibus cautum fuit, ne quis in Ecclesia sepeliretur, & toto orbe eum morem receptum fuisse, ipsa Conciliorum, & SS. Patrum decreta testantur. In Italia Pelagius II. anno 580. ita decretivit: Item placuit, ut corpora defunctorum nullo modo intra basilicam sepeliantur, sed si necesse est, foris circa murum basilice. In Hispania idem statutum sущe constat ex Concilio Brachar. l. can. 18 supra relato, ubi noravit Loaysa. In Germania idem cautum fuit in Concilio Tribur. can. 17. Mogunt. can. 42. relatis à Gratiano in cap nullus, cum sequent. 13. q. 2. In Gallia ex Concilio Nannet. can. 6. relato in cap. praeципiendum 13. q. 2. Meldensi can. 9. Theodulpho Aurelian. Episcopo ad fratres compresbyteros, ibi: Antiquus in his regionibus in Ecclesia sepulchrorum mortuorum usus fuit, ut plerumque loca divino cultui mancipata, & ad offensiones Deo hostias preparata, cumeraria, sive polyandria facta sint, unde volumus, ut ab hac re deinceps abstineatur, ut nemo in Ecclesia sepeliatur. Alia ecclesiastica edicta refert Suarez tract. 2. de relig. lib. 3. cap. 8. num. 7. Unde in l. 2. C. de sacro. Eccles. Imperator Gratianus, & Valentinianus sanxerunt, ut nemo Apostolorum vel Martyrum sedem humanis corporibus existimet esse concessam, ubi pro humulis, restituant humandis, Mornacius ibi. P. Burg. lib. 1. elect. cap. 6. qui eruditus textum illum exponit. Illustrant hanc Ecclesia prohibitionem Baronius anno 226. num. 7. Conradus Kling. lib. 4. locorum commun. cap. 53. Vivar. ad Mareum Maximum, in Sancto Joanne vindicato, §. 11. Gibalinus de simonia. 9. 12. confessio. 6. Lemaitre lib. 1. de iuribus Eccles. cap. 16. Petrus Gregorius lib. 2. syntagma. cap. 13. & lib. 1. partie. tit. 15. cap. 3. Barbola de iure Eccles. lib. 2. cap. 10. num. 16. Lindembrogius in glossar. verbo Mornacius, Zerda in advers. cap. 81. Savarus in notis ad Sidonium lib. 3. epist. 12. Benedictus Haephenus tom. 1. disquisit. lib. 7. tract. 1. disquisit. 2. Menardus ad Sacram. D. Gregorii. fol. 268. Frances de Eccles. Cathed. cap. 17. Murga tom. 1. disquisit. mor. tract. 3. disquisit. 3. per rotam. Sed cum eisdem Ecclesiis legibus aliqua persona exciperetur, quibus concedebatur sepultura in Ecclesia, Concilium Mogunt. d. can. 52. ibi: Nisi Episcopi. aut Abbae. aut digni presbyteri, vel fideles laici. Triburiente d. can. 17. ibi: Nisi forte talis sit persona iusta hominis, qui per vita meritum talem vivendo, suo corpore defuncto, locum acquisivit. Varia exempla refert Onuphrius de ritu sepeliend. Christ. cap. 7. Postea quod ab initio dignitatis, & virtutis causâ paucis concessum fuit, ita pauperrim relaxatum est, ut omnibus, nullâ dignitatis aut sanctitatis habita ratione, licet in Ecclesiis habere sepulchra, cap. Ecclesiam, de consecr. dist. 1. cap. sicut antiquitus 17. q. 4. cap. ex parte. cap. cum liberum, hoc tit. Amplius & ceperunt sepulchra esse familiaria, ita ut nullus, nisi ex familia, in eis sepeliatur. Concilium Matifcon. 2. can. 17. plura Murga tom. 1. disquisit. mor. tract. 4. disquisit. 5.

Quibus ita animadversis ratio praesentis assertio-
nem quoad primam partem, ubi doceatur ecclie-
siasticâ sepulchra electa à defuncto, ipsum in ratio de-
cendi, & sepeliendum esse, provenit ex vulgari princi-
pio, quo doceatur, supremam testatoris voluntate adimplendam esse, l. 1. C. de sacro. Eccles. l. vel negare 5. ff. quemadmod. testam. cap. final. §. quia ergo 13. q. 2. Secunda vero partis, videlicet defunctum, non electâ sepulchra decedentem, sepeliendum esse in sepulchro majorum, ex eo pro-
venit, quia valde jucundum est ex hac vita dece-
dientibus in majorum jacere sepulchro, ut pater ex illa ingenti sollicitudine Patriarche Jacob, qui proximus morti ita allocutus est filium Joseph Genesis cap. 47. Si inventi graviam in consuetudo, pone manum tuam sub seniore meo (quod genus ju-
ramenti erat, ut exposui in cap. & j. Christi, de
iure) & facies mihi misericordiam. & veritate,
ut non sepepias me in A. ipso, sed dormiam cum
patribus meis, & auferas me de terra hac, condicione
mea in sepulchro parum meorum. Et tandem in ipso
mortis articulo post praestitam filii suis bene-
ditionem, Genesis cap. 49. abolutè illis prae-
pit dicens: Sepelite me cum parvibus meis. Unde
aut Cicero lib. 1. de offic. Sanguinis conjunctio, &
benevolentia devincit charitate homines; magnum
est enim eadem habere monumenta majorum, isti
dem uti sacris, sepulchra habere communi. Et vo-
rum morientium esse cineres suos in patriam depor-
tari, confitit ex l. alumn. 30. §. ab hereditib. ff. de
adimendis legit. Hinc laudat Philipus Macedo-
nia Rex apud Justinum historicum lib. 9. dum ait;
E bello consimilatorum corpora sepulchra reddidit,
reliquiasque funerum ut ad sepulchra majorum re-
ferrent, ultra hortatus est; ut & Polybius retulit
lib. 5. histor. Sic Alexander Darii mortem pro-
sequutus est, demptaque sibi chlamyde corpus il-
lius contexit, atque regio ornatum cultu ad ma-
trem majorum suorum tumulo inferendum misit.
Quintus Curtius lib. 5. Sophocles in Electra, scen.
6. hoc docte insinuat dicens:

*Impulsuigitur ardenti rogo
Statim cremavimus, reducimusque tenem.
In pulvrem, argente vasculo inclusum brevi
Ex Phocide hoc viri tulere, ut patrio
Partem sepulchri adipisceretur in solo.*

Idem scena 7.
*Fera que subripem nece, ut sic mortuum
Hoc tempore hic saltum jaceret, patrio
Sortitus in tumulo locum.*

Et pro maledictione habetur in sepulchro majorum non sepeliri: dictum est enim Prophete-
3. Regum. cap. 13. eo quod contra praeceptum Do-
mini comedera in Bethel: Non infereas cadaver
in tumulo sepulchro patrum tuorum: d. cap. unaquaq.
13. q. 2. Apud Abderites lege cautum erat, ut qui
patronum prodegerat, sepulchrum patrum non
humaretur, sed externo, ut tradit Diogenes Laë-
tius in Democrito, Tiraquel. & Alex. ab Alex. lib. 6.
dier. genial. cap. 14. Unde Catullus epigr. 63. ad
Manium hoc sentiens dicit:

*Quemus tam longe, non inter nota sepulchra,
Nec prope cognatos compositum cineres;
Sed Troia obscuram, Troia in felice sepulchrum
Detinet extremo terra aliena solo.*

Ut enim ait Ovidius:
*Molius ossa cubant manibus tumulata suorum.
Qui & ideo optabat decedere in patria antequam
in exilium mutteretur, ut refert lib. 3. Tristium,
eleg. 3.*

Quantum

*Quantum erat, o magni perituro parcere Divi!
Ut saltem patria contumularer humo.
Tam procul agnotis igitur moriemur in oris?*

Et sicut ipso tristis fata loco?

*Sed sine funeribus caput hoc, sine honore sepulchri,
Indeploratum barbaria terra teget?*

*Quomodo etiam apud eundem epist. 10. infelix
Ariadna derelicta a Theseo in insula ait:*

Ergo nec lacrymas matris moritera videbo;

Nec mea qui digiris lumen condat erit.

Spiritus infelix peregrinus ibit in auras,

Nec positos artus unget amica manus.

Et idem epistol. II. de Canace, ad fratrem Ma-
careum:

Tutamen b frustra misera sperate sorori,

Sparsa precor nati collige membra tui.

Et refer ad marem, sociisque impono se-
pulcro.

Urnaque nos habeat, quamlibet arita,
duos.

Et eadem etiam ratione apud Virgilium Aeneid.
10. Maxentius ab Aenea lethale vulnus acce-
pitur hoc tantum rogat, ut confortem nati
Laufi, quem paulo ante idem Aeneas intereme-
rat, concederet sepulchro: & mater Euriali ejus
necem inconsolabiliter lugens, apud ipsum libro 9.
Aeneid, ait:

Heu terra ignota! canibus data preda La-
tiniis.

*Aliibusque jaces: nec te tua funera mater
Produxo, pressive oculos, aut vulnera lavi.*

*Sic & Catullus carm. ad Manl. de fratre apud
Trojam mortuo, ait:*

*Quem nunc tam longe, non inter nota se-
pulchra.*

Nec prope cognatos compositum cineres.

*Sed Troia obscana, Troia infelice sepultum
Derinet a nostra terra aliena solo.*

*Et Propertius lib. 3. elegia 5. in naufragio Pati,
dolet.*

*Quid mater non justa pia dare debita terrae
Nequit. Et cognatos inter humare rogos.*

*Et apud Quintilianum declamat. 11. Dives ille,
misericordia, nec ad cadavera (filiorum scilicet) acce-
si, non in sepulchra majorum meis manibus intuli.*
Recte ergo a Leone III. in praesenti juxta votum
naturali, & communem nature legem statuitur,
defunctum decedentem non electa sepulchra, in

majorum sepulchro esse tumulandum, quia cre-
ditur juxta commune votum ibi sepeliri vo-
luisse.

Nec obstar dubitandi ratio suprad expensa de
sepultura in Ecclesia non concedenda, cui satis-
faciendum est juxta distinctionem temporum su-
pra relatum. Nec augmentum primum ipsius ^{ro.} *Diffolvi-*
tur dubi-
tandis ^{10.} *ratio.*

quando defunctus, qui non electa sepulchra de-
cessit, proprium sepulchrum non habebat, nec
majorum suorum; tunc enim pro distinctione
personarum sepultura decernenda est, juxta
adducta de Romano Pontifice, Cardinalibus,
Legatis, Archiepiscopis, Episcopisque a Julio
Lauro dict. tit. 2. lucubr. cap. II. Si ergo pa-
rochianus intestatus decesserit, ita quod nec
sepulturam, nec sepulchrum proprium habeat,
sepeliendus est in propria parochia, cap. ex parte,
cap. cum liberum 6. cap. in nostra 10. de sepulturis.

Quae tamen dicatur propria parochia quoad se-
pulturam, latè exponum Barbosa de off. pa-
rochi cap. 26. Basilius de matrim. lib. 5. cap. 13. §.
2. Nec obstar quod de sepulchri dominio ex-
pendebamus; nam duplicitate potest dici sepul-
chrum proprium. Primo quoad dominium, ut
consideretur in aliis rebus prophaniis; & hoc
nullo modo dari potest, cum sepulchra, ut loca
religiosa, extra hominum commercium sint:
secundo quoad usum, & jus sepeliendi, & hoc
modo recte sepulchrum proprium dicitur: qua-
propter jus sepeliendi legari, aliterque concedi
potest I. monumenta 14. C. de legatis, l. 1. tit. 13.
p. 1. longa possessione acquiri, I. monumento-
rum 6. C. de relig. Balsamon in nomocan. Phocci,
tit. 2. cap. 2. pag. 49. Antonius Clarus ad II. Re-
gias, cap. ultim. Caldeira lib. 4. variar. cap. 9.
probavi in cap. ad aures, de prescrir. Unde pro
usu sepulture remedia possessoria laicis compe-
tunt, sicut pro quoconque alio iure, quod possit
possideri, l. 1. ff. si servitus vendic. iunctis l. si
venditor 10. l. si quis sepulchrum 12. ff. de relig.
Ant. Clarus lib. singul. ad leg. XII. tabul. cap.
ultim. Mindanus 2. tom. de interdict. Murga
tom. 1. disquisit. mor. tract. 4. disquisit. 1. cum je-
quent. & de quotidiana praxi testatur Flores de
Mena ad Ant. Gammam decision. 54. numero 3.
unde hoo sensu sepulchrum proprium dicitur
in praesenti.

CAPUT II.

(a) Leo Papa omnibus Fidelibus per Dardaniam constitutis.

RElatum est auribus nostris, esse quosdam perverse agentes, qui subvertere nitun-
tur, atque dividere conantur Ecclesiam unitatem, videlicet Abbates, monachos,
qui non studio charitatis, sed zelo rapacitatis invigilant, atque seducere conantur
seculares, quos illaqueare possunt, ut res suas, atque possessiones, sive in morte,
sive in vita monasteriis suis tradant, & (b) Ecclesiis, quibus subjecta esse videntur, &
a quibus baptismum, Poenitentiam, Eucharistiam, nec non pabulum vita, cum
laete carnis acceperint, vel accipiunt, nihil de bonis relinquunt. Hunc denique fo-
mitem discordia nos animadvertingo modis omnibus inhibere volumus, & ne
amplius fiat, omnino prohibemus, considerantes non esse bonum, si illi, qui olim
focii fuerant passionis, secundum (c) Apostolum, sint immunes à societate consolati-
onum. Et quia dignus est operarius (d) mercede sua, ideo præcipimus, atque man-
damus, ut quicunque amodò monasterio converti voluerit, sive in morte, sive in